

湖山便覽

樂

湖山便覽卷二

仁和翟灝朱點同緝

杭州王維翰玉堂重訂

孤山路

白沙隄一名孤山路路口爲斷橋有斷橋殘雪亭

舊有總宜園凝碧園秦樓垂露亭

西爲錦帶橋又西爲平湖秋月

亭舊有望湖亭嘉澤龍王廟

亭北有蓮池菴陸宣公祠吟香別

業舊有處士橋學士溝

自秋月亭繞孤山而西有照膽臺朱

文公祠更西北爲西林橋

舊有葉廣居宅巢雲居又相傳有蘇小墓

白沙隄

在孤山下潛氏臨安志引舊志云不知所從

始自斷橋迤邐至西泠橋徑三里餘唐稱白沙隄宋
稱孤山路今俗謂之白公隄據白樂天詩誰開湖寺
西南路草綠裙腰一道斜曰誰開則非白公自開明
甚唐人或去白字單稱沙隄樂天詩十里沙隄明月
中是也近人或去沙字單稱白隄不考者因與樂天
姓合遂誤爲白公隄歲久隄削明萬歷間司禮孫隆
鰲石鋪沙雜樹花木更名十錦塘 國朝雍正二年
詔興西湖水利濬湖中葑草運于各舊隄上加廣丈餘高二
尺餘隄上桃柳芙蓉俱視昔有如行

白居易錢塘湖春
孤山寺北賈

亭西水面初平雲腳低幾處早鶯爭喚樹誰家新燕
啄春泥亂花漸欲迷人眼淺草纔能沒馬蹄最愛湖
東行不足綠楊陰裏白沙隄○愈灝湖隄晚行
色俄從草際生管弦羅綺盡歸城不應閒卻孤山路
我自扶藜
月下下行

斷橋在孤山路口唐張祐孤山寺詩斷橋荒蘚合時

已有斷橋之稱宋名寶祐橋元錢惟善竹枝詞有阿
姨近住段家橋句聞者以爲杜撰然張翥詩段橋春
水綠初柔楊維禎詩段家橋頭猩色酒王洧題十景
段橋殘雪亦以斷爲段周密武林舊事直云一名段
家橋未嘗無所證也李公西湖志據吳禮之長橋月

短橋月詞謂斷橋亦可稱短橋王鑑斷橋春望拾

山北杜鵑春誰家庭院東風裏吹出桃花不見人○

方回斷橋西人家二首無數菰蒲間藕花萬絲垂

柳曳風斜竹籬茅舍渾如畫最愛橋西第一家望

極西湖欲盡頭叢篁老柳水天秋船中遙看家家好

卻恐君來住亦愁○史鑑題斷橋分手圖近水人

家半掩扉兩山樓閣尚斜暉斷橋無數垂楊柳總被

游人折

漸稀

斷橋殘雪亭在斷橋北宋陳清波有斷橋殘雪圖康

熙三十八年

聖祖仁皇帝御書四字爲西湖十景之一四十一年有司勒

石建亭於此尹廷高斷橋殘雪數板瓊瑤踏未乾

沈吟不度據征鞍孤山霽色無尋處笑

指梅花隔翠寒。○聶大年斷橋殘雪醉裏曾登白
玉梯東風吹暎又成泥玉腰蟠螭垂天闊金脊樓臺
夾岸迷九井晴添新水活兩峯濃壓宿雲
低衝寒爲訪梅花信十里銀沙印馬蹄

總宜園在斷橋路口宋中貴張知省別業取蘇詩淡

粧濃抹總相宜意周密癸辛雜志載知省招葛天民

至總宜園清談竟日大雪寒劇一事卽此後園歸趙

平遠淇楊萬里游湖上絕句總宜亭子小如拳着

棟名園○陳鑒之同潘孔時飲總宜園孔時出寶晉

數帖呼道人吹簫次日有詩予用韻荅之六橋秋

新宜醉吟舉盃共聽巖鶴音危亭三面立老竹寶晉
數帖清人心涼蟬不敢喧夕曛洞簫聲遶山腰雲搖
搖歸艇水紋裂裂山紫天青河漢白想
君獨立對空闊一鷺毛寒藕花月

疑碧園 吳自牧夢梁錄云張府園在孤山路

秦樓 在斷橋旁趙佃詩秦樓直接段家橋張遂辰訪梁公廸斷

橋秦樓東南名勝幾探求剩有殘山說舊游此日

詩篇歌枕上滿樓風雨斷橋頭藥爐怪道依依戀滄

海堪憐久滯畱更擬呼朋

共哀嘯幅巾早晚過扁舟

垂露亭 聶心湯錢塘縣志云孫隆修十錦塘塘中建

錦帶橋垂露亭爲一湖之勝據沈朝煥泊如齋集亭

乃雲間曹介夫釀金所築與斷橋近取斷橋垂露滴

梧桐句爲名

錦帶橋 舊有涵碧橋在斷橋西宋轉運使陳堯佐重

建碑紀其事且爲之圖久圯明孫隆修十錦塘卽遺

址架木爲梁易今名國朝康熙間復葺以石劉過同許

從道游涵碧橋犯暑日午來坐到日落歸松桂葉

團團竹光淨暉暉乳竇成濯纓綠染身上衣卻傾所

攜酒對酌老石磯幽鳥當歌者薦以首山薇歛藏大

千界游戲塵尾揮寺門長安道結束四馬肥醉鄉訪

輦羶屏風肉紅圍我亭不關鎖何人疑柴扉掉臂樵

擔行藤蘿自烟霏古所謂迂闊若此二子稀旣非攜

娉婷又乏玉鞍飛不知有何好林泉少焉依境勢

更着語鬼神暗詞譏但知笑他人不覺已是非

望湖亭唐在孤山路宋以其地撥賜延祥觀徙寶石

峰明初復還故址尋毀萬歷十四年卽址建龍王祠

今又改建平湖秋月亭白居易湖亭晚歸盡日湖亭臥心閒事亦稀起因殘醉

醒坐待晚涼。歸松雨飄藤帽。江風透葛衣。柳隄行不
厭沙軟。絮霏霏。胡奎望湖亭用東坡望湖樓韻
鷗外清波。雁外山望湖亭下望歸船夜深坐起占風
信人在珠宮。月在天。施經望湖亭一徑通青嶂
孤亭倚碧波。湖波心明玉鏡塔影浸冰壺。瑩色還
堪掬。丹青不可圖。神游直恍惚。疑是太清都。

平湖秋月亭在孤山路康熙三十八年

聖祖御書四字爲十景之一勒石建亭前爲高臺旁構重軒

曲欄畫檻直挹波際孫銳平湖秋月月冷寒泉疑

蓼西風裏一色湖光萬頃秋。湯煥平湖秋月千
山暮靄秋冥濛。湖心月上開冲融。微波淪連水仙府
靜影蕩漾鮫人宮。瑤林灝氣湛虛碧。金塘沆瀣
浮輕紅。孤篷短笛冰雪裏安得元鶴凌剛風。

嘉澤廟舊在孤山路祀錢塘湖龍君梁大同中建唐

咸通中刺史崔彥曾修吳越有國武肅王再建殿庭
剏塑神像具表中朝賜封廣潤龍王王自爲碑記刻
石宋亦稱水仙王廟蘇詩一盃當屬水仙王是也紹
興時建延祥觀徙寶石山下明萬歷十四年守余良
樞還構于望湖亭址 國朝康熙四十一年建平湖
秋月亭于其處徙廟路北尋改建爲馬公祠今又改

蓮池菴

郭祥正水仙王廟藻薦盃盤落日廟門靜龍蛇驚夜寒

丹靑嚴像貌荇

按錢武肅碑記有云梁大同中湖于置廟蒸沙起岸鑿石爲門舊志謂白沙隄不知所從始此語可備一證鑿石語似指寶石山下開鑿之蹟龍王卽錢塘湖龍碑中言之甚明蕭山毛大可嘗于詩話

論及斷爲伍胥
不知別何依據

蓮池菴 雍正五年浙撫李公衛以馬公祠改建尼菴

仍祀嘉澤龍王像以存舊蹟旁有白蓮池增修十八

景謂之蓮池松舍

陳琬永游蓮池菴莊嚴闢境初蕭疎在花木恬淡到

寶刹安蓮座

禽魚聚遠層樓敞通幽曲逕
紆朝暉照西樹彼岸一舟虛

陸宣公祠

祀唐宣公陸贄明嘉靖間少保陸炳購中

書舍人洪澄別業改建在孤山之陽隆慶間巡按御

史謝廷傑卽祠祀嚴光以下十一人而徙公像于祠

前之恩綸閣顏其額曰西湖書院天啟間毀天下私

初書院仍改正爲祠

國朝雍正九年重修尋移蓮

池菴東乾隆十六年

皇上御題內相經綸扁額

呂希周中秋燕集洪中舍西湖別墅鳳閣仙宮雲水莊絳河

銀榜淨琴張蟾蜍出海光原滿簫鼓中流夜未央平地樓臺搖雜樹四山圖畫落飛觴蓬萊路接瑤宮近桂醕還調玉女漿顧岱謁陸宣公祠碧瓦參差覆綠叢閒來古廟禮宣公兩峰翠藹疎烟上萬木春深細雨中獻替動關天下計謀猷不愧大

臣風孤山左畔恩綸閣髮鬢遺徽俎豆崇

吟香別業

在陸宣公祠後亦名勾畱處

國朝范忠

貞公承謨以浙撫陞任福建總督去浙時取白樂天

句書勾畱處三字于湖心亭尋公死耿逆之難浙人

哀思于孤山路建祠崇祀康熙二十八年移字懸祠
前亭上亭臨方池公子時崇爲福浙總督悉栽荷池
中周繚石垣臨池增建水閣輔以舫齋環以曲廊左
構重樓後起高軒遂成湖上勝地初公嘗于盛夏過
湖隄適荷花盛開觸事行吟得絕句十首邦人刻石
于此因稱吟香別業垣後卽忠貞公祠范承謨湖隄
十首之一

隄遶荷花花遶湖湖心明月漾驪珠
輕舟搖入烟深處驚起花間兩睡鳬

處士橋

臨安志云在林和靖故居處林居孤山東麓

出入所經當屬今吟香別業垣外之路游覽志謂橋

在涵碧橋西是也旁又有宏春橋今皆無蹟

郭祥正林和靖

橋

不作市朝客甘爲漁釣

翁柴門

危逕斷猶喜一橋通

學士溝

游覽志云在孤山南由處士橋入元時西湖

堰合好事者疏之以通舟楫集賢學士揭傒斯見而助焉因名揭自爲記

照膽臺

在聖因寺東隄上祀漢關壯繆明萬歷時郡

紳金學會建其子季真嘗集諸善友共結慈社于此

前有三義閣後有清嘯亭亭後山坡卽宋志所謂瑪

瑙坡也向貯玉印一兩面有文一曰漢壽亭侯印一

爲神諱相傳神所故佩

朱文公祠 在 行宮西堤上明嘉靖間督學秦梁謂

公提舉浙東多遺澤裔孫在浙者無以展敬建祠北
山錦塢祀之額曰紫陽書院 國朝順治丁酉公裔
孫以錦塢山峻易圯請于官移建今處

西林橋 孤山路西北盡處橋也游覽志云一名西洽

一名西陵武林舊事云西林橋又名西村都城探春
水面畫楫如鱗次第先南後北至午則盡入西村橋
弁陽老人詞云看畫船盡入西村閒卻半湖春色蓋

實錄也齊東野語云趙孟堅客武林會菖蒲節買舟

西湖薄暮入西泠橋艤櫂茂樹間指林麓最幽處曰

此真董北苑得意筆也林逋西村晚泊 弭棹危橋 外霜村乍夕陰田園向野水

樵採語空林白鳥歸飛遠青山重複深那堪遲新月

誰復賞微吟○馬臻春遊卽事 畫船過午入西林

人擁孤山陌上塵曾被弁陽摹寫盡晚來閒卻半湖

春○釋來復泛舟西泠橋 西泠橋下水如烟屬玉

飛來近釣船落盡梅花三

百樹孤山何處訪通仙

葉廣居宅 葉字居仲嘉興人仕元至江浙儒學提舉

晚年築室孤山西林橋陶情詩酒所著有自得齋集

葉廣居自題隱居 癭木栽冠鶴筆輕十年塵土厭

飄零小山舊隱雲封戶大藥新成月滿庭丹井夜交

龍虎氣碧霄春躡鳳凰西風
客舍炎歊淨擬讀琴心內景經

巢雲居

在西林橋明都御史洪瞻祖別業

王子卿過湖上洪氏

山莊草堂臨綠埜芸閣俯清湖幔卷來河漢窻開
列畫圖松階調獨鶴蓮渚起雙鳬載酒頻招飲飄然
興不孤

蘇小小墓

相傳在西陵橋畔古樂府有錢唐蘇小小

歌所謂何處結同心西陵松柏下者郭茂倩廣題云

蘇小小錢唐名倡南齊人故白詩有柳色春藏蘇小

家及教妓樓新道姓蘇句臨安志武林舊事俱載墓

在湖上周紫芝有湖隄弔蘇小小墓詩其事若可據然